

連江縣志卷二十九

孝友

道光通志孝義一門固合內行鄉行而統輯也今新定局章有孝友而無鄉行則嘉慶志之內行各傳可入孝友而鄉行無所歸着附之於後以便稽閱與局章亦不相背云

唐

裴逵。清河里人。大順中。官至大理卿。敦篤內行。以孝義聞。鄉人稱其里曰義洋。

宋

吳昭。字魯望。府尹贊之子。生有至性。丁內艱。哭則羣鳥畢集墻宇。為之哀鳴。殆孝感之所致也。采吳氏譜

吳佛。字次堂。監簿。開之元孫。九齡失怙恃。伯父靜菴收養為子。嗣母性嚴。侍立終日。不命之坐。不敢坐。雖盛暑未嘗去巾舄。從伯竹隱見而器之。嗣

連江縣志

卷二十九

唐宋元孝友

三十四

父母歿。廬墓而居。若將終身焉。采吳氏譜

元

王志蟾。蝮園人。母病。禱於蝦蟆石。願以身代。母痊後。里人見志騎白馬昇天。乃祀之。

倪神保。安德里人。幼失父母。與妻林氏禱於天。欲得一木連理而生者。刻父母像以祀。徧求至石芹山。見二木同生。乃拜祝曰。若可刻為親像。木當三動。祝畢。其木果自動者三。取歸刻像。奉於中堂。凡飲食供奉。出告反面。一如事生之儀。

明

林龜年。字十朋。資壽舖人。學富才博。洪武十七年。以太學生雋應天鄉試。次年成進士。授翰林院庶吉士。改揭陽縣丞。時父昭以元故官。遷置淮甸。通志作鳳陽龜年疏請迎養。上允之。未幾以稅糧愆期。至京對簿。父蒙省釋。而龜年謫戍燕山。弟叔厚。奔唁龜年。龜年作鵲鴿歌送之。歸歌云。有弟有弟。

惜離別。萬里尋兄寸腸熱。一朝相逢燕市中。淚洒征衫各嗚咽。憶昨在家
年少時。青衫白馬相追隨。芸窗筆硯幾昕夕。春風簾幙鳴埴篋。高堂老父
隔淮甸。辭家十載那能見。汝時遠逐南飛鴻。歷涉關河與鄉縣。我亦愛汝
多才華。興來草聖如龍蛇。飄風驟雨鬼神泣。卽今湖海人爭誇。我身濫作
青雲客。昔日金門親對策。琴書薄宦在嶺南。寂歷桑麻滿阡陌。榕城春暖
花正開。昨宵風雨成莓苔。脊令原上復何存。率然山下空徘徊。去年二月
辭京國。來時雪霰漫天白。今年二月到燕山。憐我謫宦遊塞北。停車斂策
塗陽山。城頭白晝紅旗翻。烟雲暗結萬里道。衾稠尙擁六月寒。春來不見
閒花草。遙憶故園春色好。夢魂常戀帝鄉遊。朱顏肯向冰天老。平明沽酒
送汝歸。弟兄此際情難爲。東門握手不忍別。衷腸斷盡雙淚垂。閩山迢迢
渺何許。斜陽芳草長亭路。行程須計回日期。籬落黃花正秋暮。殷勤爲答
堂上親。雙親見汝如我身。我身艱難慎勿道。尤恐惆悵傷親神。盤盤祖塋
龜山上。五馬金鼇屹相向。碧梧翠竹手可栽。勿使荆榛日空長。方今海內

連江縣志

卷二十九

明孝友

三十五

無戰爭。燕山西去烟塵清。會當作頌拜天子。乞歸稱壽同獻觥。通志入孝
義通志鶴

鶴歌誤作叔
厚送龜年

陳文亮字景明。學前舖人。生七月而孤。母賴氏。守節自誓。詳列女
志節婦文亮事

之篤孝。或外出得一美味。必懷以進。母疾。文亮每夕泣禱北辰。願減算以

益母壽。又取母糞嘗之。知其味苦。病果瘥。正統十四年。寇起沙。尤鄉人多

棄骨肉而負貨財。文亮獨扶母避於溪舟。餘弗顧。母歿。居喪哀毀。鄉人稱

之。坊建省垣西門街度鷄口。今圯。後以子鴻漸貴。贈如其官。兼采陳氏譜
通志入孝義

陳旺字邦盛。兄爲副千戶卒。旺襲其職。越五月。兄遺腹子恭生。旺後調福

州右衛鎮撫。時恭方五歲。嫂懼涉險阻。負恭匿。旺泣涕求得之。覓寡嫂與

嫂居。携以偕行。恭長。卽還所襲職。而終老焉。平日聞人語及父母兄弟意

忽忽如有所失。居家尤以廉慎練達著。通志入
孝義

楊崇字善器。透堡人。自其高祖宗。連傳至崇。同居六世矣。叔父子傑。以崇

賢孝。委爲家督。督子弟營業。尺帛粒粟。皆有籍。冠婚喪祭。飲食。皆有程。出

法文亮堂其苦
西母疾修

入告面。唯諾有禮。門內井然。婦人有子者。互相乳哺。家畜雞。每飲啄。羣呼一雞不至。羣雞不食。初年七十餘口。季年倍之。用儉以裕。所居宅三十餘年。無哭聲。祖隸鳳陽戎籍。明法應伍者。竟其身無更代。崇於例當補。弟銅鑿爭欲行。崇子孟自外歸。請曰。孟於子行爲長。敢以累諸父哉。卽辭。父母赴役。途次得部檄。改隸定海。遂復歡聚。巡按劉信上其行於朝。未得命。而崇卒。知縣章武親至其家。令羣兒出見。賜以楊梅。令食。羣兒班立序。啖雖至小者不索。武歎美而去。董應舉榜其居曰義門。通志入孝義鄭嶂。字鳴鶴。號友松。資壽鋪人。幼孤。事兄鳴鳳甚謹。正德十四年。舉於鄉。爲吳川諭。請移文福建。兌半俸養兄。凡七年。遷宿松縣。縣有御史楊春芳者。請射圃地。嶂執不與。因銜之。尋其隙。無所得。以多病中之。嶂遂拂衣歸。見兄甚歡。作鳳鶴和鳴圖。卜兆同壙。生平閉門自守。不見邑宰。居家甚儉。教子孫有法。無遊手食者。扁其軒曰帶經。額其堂曰師儉。訓云。慎齋主人作堂於泰街之上。文巷之前。地勢深厚。制度渾堅。築壤爲基。采木爲椽。不

連江縣志

卷二十九

明孝友

三十六

師儉堂訓子

刻斲以爲華。不藻繪以爲妍。落成之日。客不旅賀。席不肆筵。啜茗而退。曳履而還。端坐若忘。凝思入玄。名其堂曰師儉。揚大扁而高懸。其子年方舞勺。學方就藝。晨起入塾。告而將事。乃趨而問曰。茲堂何名。茲扁何義。小子不敏。請釋其秘。主人曰。噫。子來前。夫儉者持家之法。檢身之律。故薦取蘋蘩。羞用榛栗。食止適口。衣止蔽質。騎不過代步。居不過容膝。吾之建斯堂也。地雖不廣。庭猶旋馬。構雖弗隆。坊至萬瓦。回視甕牖之內。繩樞之下。孰壯孰陋。孰多孰寡。吾內服先訓。外酬國恩。炊不黔突。行不過門。汝曹居必我守。叙必我悖。洒掃掃蕪。闔開煖溫。漏則必葺。敝則必新。勿增高以炫俗。勿闢廣以傷鄰。庶吾儉之可師。幸吾堂之永存。言未既。其子摳衣而進。曰。某嘗參諸史冊。稽諸傳疏。與奢寧儉。不孫寧固。此仲尼矯俗之言。似亦有不得已之故。若蕭文終之所云。猶王剪之是顧。觀其建宮室。則使後莫能加。買田宅。則藉以自固。大人乃取於斯言。實蒙者之所未悟也。主人莞爾而笑曰。汝不求諸經乎。禮出天秩。卦以節名。儀文有等。度數有程。故虞

代命禹家以儉興周廷訓官業由儉宏惟儉之德善莫與京賦蟋蟀者謂家之可保讀損益者知富之可懲車之鑑者人必瘁璧之懷者罪必嬰東山聲樂未免金谷之侈公孫布被不如司馬之誠甚至薪蠟飴釜冰山肉屏或流蕩以覆族或荒亡而喪生顧從奢之若燎覺從儉之如登爭棄本而逐末或當詘而舉贏恨隄防之易潰念溪壑之難盈寧知苦則可以無悔甘則可以致亨是儉者誠膏肓之藥石爲大器之準繩吾年未逮乎衛武汝學未至乎康成言無微而可畧理愈究而益精惟吾儉之是師信斯堂之有徵其子乃耳接面受心領神會不違如愚唯唯而退出而質諸傅傳曰約哉辭乎道不下帶室何遠而雖萬物之備我有一言而行之彼大人先生者身在臺閣志存蒸梨傷世家之怙侈慨時俗之澆漓其教也有所始其事也有所爲益卑宮室以力溝洫化文繡而爲茅茨君子歸嚮以成俗小民日遷而不知期禮達而分定終上安而下怡公儉德於四海匪一家之獨私余亦聞楊綰居相位而國俗變何邵襲父風而家道衰瞻正

儀之足法知蒙養之在茲子歸而求之有餘師矣豈句讀之士所得窺其津涯也哉時有豪金士儼者導朝貴請東湖爲田嶧曰此而可蝕如民何白於官履畝而盡復之湖復完嘉靖末倭至戒嚴塞水城門民不得水嶧爭於縣言民不死賊且死渴矣請以鑰見託不敢辭罪縣官從之遂開門率民日再出汲汲盡而閉民不渴寇亦無害嶧貌癯而氣勁行步矩人曰爲鄭公步兼采通志並嘉慶志叢談通志入孝義

趙綉字時文恂曾孫嘉靖間以歲貢爲浦江訓導父老失明性嚴急少忤卽怒綉必跪伏待罪俟色霽乃起棄官後猶然通志入孝義

陳謨字繼顯縣西舖人父性好施思有所調恤慮謨不能給謨故示有餘凡父所欲與者皆先意而施父素病肺鷄初鳴必起烹飴以進二十年如一日嘗詣潘溪主人具鱸魚日暮矣亟懷歸以奉父又父思食天蘿瓜時方二月聞郡城可得疾奔百里求得之抵夕而返親歿號慟哀毀骨立當食必祭結廬墓側數有虎臥廬旁味爽起拜墳始逸去如是者三年嘉靖

十七年監察御史李元陽旌其閭曰孝行之門通志入

趙矯字克俊母病焚香告天願減算益親年及卒廬墓露宿嘗語二弟曰

同氣連枝者兄弟也世人以田宅之故生離異心亦念難得易求之戒乎

與其弟同居共爨勤治農業計其所入藏於一廩而量入為出凡男女長

幼飲食衣服無分爾我家人率教久而雍睦云

陳茂實字守城馬鼻人嘉靖三十八年鄉遭倭難父母被焚戮實亦被虜

至廈門時年十餘歲逃歸遍尋父母遺骸易數寒暑至形毀骨立猶棲風

宿露一夕遇虎虎亦不為害殆孝感所致云采陳氏譜

陳文獻字信菴縣西舖人為諸生即有時名與王鍾岳趙吉所號六才子

家貧母歿無重殮終身不設重衣每逢諱辰輒號慟不能起至耄期悲慕

不少衰壽九十二有族叔與文獻父忤甚至操戈文獻待之以誠敬一夜

讀書旁屋其人推門入文獻忻然延之隨出酒肴相餉其人氣頓平飲畢

出及拍案曰吾與而父仇也特來殺汝今已矣擲刀稱謝而去自是有緩

連江縣志

卷二十九

明孝友

三十八

急更得其死力云兼采陳氏譜

陳祖念字修甫號心一第長子天啟三年以歲貢授永定司訓轉永春諭

尋遷衢州教授未幾遷楚府紀善致仕歸所至誨士務崇實學論文必根

極理要母病每晨顛天數嘗糞糞甘泣曰母不起矣及居喪哀戚逾常第

老而好遊足跡遍五嶽每出輒數年祖念馳數千里泣請以歸未幾第病

不食不言者二月餘身親湯藥曲意奉侍有求輒至第臨終作勞子諸詩

以勉之所著書詳藝文志董應舉贈詩云數月不解衣夜夜燈一炷言以無聲求食以湯頻補視息微密問精神鬼神輔

蓋志實也

清

陳承禮楊兆熊順治五年清兵陷城禮為父死熊為母死詳列女志難殉

余達字廷銓早歲以母疾輟舉業奉事二十餘年浣滌必躬親母卒年四

十始應試入郡庠父晚年病足達每日背負隨父意所欲之十餘年率以

為常通志入

陳祖念嘗其甘
西世不起

黃經國字啓初父終夜必臥棺側及葬廬墓不歸邑令楊繼生嘉其行請於當道旌之

鄭尙梓安定里人父愷為山寇劉希亮所擄索重贖尙梓家貧假貸贖父不贖賊欲乃叩賊營哀求釋父願以身代賊殺之釋其父歸通志入

吳德普珠浦人順治十四年邑令虞寧奉福建按察孔區旌曰萬善之長據采

張燾名洪居洪塘人順治十三年從其祖避亂岱堡海寇陷堡張氏一門殲焉獨其父震公以授讀他里獲免燾時七歲寇擄往廈門轉鬻清漳既

長傭於龍巖有言其擄自連江者心識之因彷彿憶幼時提携有天貞者以為其父也乃奔連江入城越數朝暮無所向哭於途問其父名曰忘之

此間毋乃有天貞者耶願得見之天貞者震公弟也震公聞之曰彼何人而識吾亡弟洪居顧不死耶亟趨視之遇於南關父子相抱哭携與歸呼其母出燾熟視良久曰非吾母也震公曰果非爾母爾母亦斃於賊矣此

連江縣志

卷二十九

清孝友

三十九

爾繼母也燾搶地大哭是時震公老無子燾奉侍惟謹事繼母如所生每念母死於賊仇不能報常飲泣或至失聲聞者嗟歎雍正七年旌坊在縣

西舖通志入

清孫堯歸來兒歌天動殺機下道否羣蛇走陸紛紛起蒙名冒義害蒼

惜死可憐附岱百餘家奔入堡中將望子一失地龍飛城崩玉石

同忽有是張家郎甫易齒父遭流離忘遠水遙山所載在連江暗夕言

將父指異矣哉歸來兒默作僕誰相爾方壽跋畧云故鄉叔名天貞

感錄愈恍然於合之親歷千磨百劫斷無可離之道也夫張公之子

歲被擄也垢忍辱而辭者即流離天實難之作且其歸也夫張公之子

城於市數朝暮無所辭者即流離天實難之作且其歸也夫張公之子

歌最佳

改中明身之修自
人注曰精神數倍

此處多餘文
字有全佳
字有全佳

此處多餘文

盧志鳳字子登縣前舖盧氏始祖也其先居福清南鄉南廬順治十三年海寇入鄉居民離散鳳時七歲隻身奔連父母睽違相憶而不相識及寇平歸省二人已就木矣鳳呼天蹙踊遂負骨來連合葬縣治南關外生平以雙親不得終養逢諱辰輒啼泣云采盧氏譜

徐永禛字喬年父天石貧士也永禛少以治銀為生奉養無踈節父之執友一二日不至門必先父志徧延致之與其父竟日談酒餽豐潔不待命而夙具父以娛老甚歡人稱天石有承志之子云通志入孝義

張志恩故農家子勤治業其居伏沙去縣里餘日必負粟入市易甘旨凡事視親意所向必竭力以娛心志居喪盡哀柩在寢值天寒必擁絮煖之晨夕撫視如事存卜葬地於近岡每荷鋤出戶即徬徨凝望元夕於塚上架木懸燈使兒輩擊鼓作樂曰庶吾父母於此景不岑寂也知縣王孚為之旌通志入孝義

陳永璋龍西舖人邑令王孚匾旌孝子據采訪册

連江縣志

卷二十九

清孝友

四十

陳炤健永璋子邑令王訢然匾旌承先濟美據采訪册

黃成富字碧峯牛欄坪人世業農同居六世一門六十餘口凡教讀匠作皆令子姓習之各司其業每出作婦女俱從留一婦視家臥兒於筐饑則乳之不問誰兒也懸衣於桁出則脫之入則服之垢則浣之不問誰衣也客至供具則長者主之家中雍睦不聞一言通志入孝義

陳元鐸龍西舖人邑令馬彭年詳請孝友據采訪册

魏永久岱雲人邑令馬彭年匾旌曰力田孝養據志訪册

楊友璧字叔趙透堡人邑令馬彭年匾旌曰竭力可風據采訪册

胡俊伯儒洋人母得癆疾不離牀蓐俊伯日則侍養夜猶秉燭候宵分不敢言倦復躬執衣綸溷廁之役歷久如初乾隆二十四年毛邑侯匾旌之蕭良輔字爾佐龍西舖人六歲喪父哀毀如成人父素嗜膾父歿終身見膾輒泣方九歲時隨母濟渡母以轉帆失墜輔驚號投水救之賴舟人救護得俱全家貧母嘗而餅度活留其半飼輔輔泣讓忍饑託言所親已飯

兒矣。一日從里塾歸。見母有不怡色。詢知假鄰家薪草。其子慮無以償。撲火奪薪去。卒不果炊。輔既曲慰母。輒改衣履登山。樵以供爨。自是每塾課暇。必以故白於師。師亦哀憐之。及長。侍奉彌篤。母嘗患翳眼。輔朝夕舐以舌。視如初。母病以嚴冬。索絲瓜。輔徧走百里。竟得之嶺上。歸以啖之。而病瘳。有鄰嫗與母善。日延致左右。具饌以娛之。女弟家貧。往來溫恤。二十餘年。母憂以釋。平居勤治生。而性復敦篤。凡睦鄰任卹之事。無不先母意而推施。罔倦。乾隆二十六年。旌坊在龍西鋪。通志入孝義

陳曾萊。字振邦。廩生。元壯孫。家世儒業。萊手一藝以治生。伯兄曾芝久困棘闈。心憤鬱。萊懼其以貧自阻也。素分潤之。以堅其志。酒茗燈膏之費。歲科應舉之需。皆取給焉。芝以是至老益豪。支祖一齋公。名儒也。遺書版已殘缺。慨然出貲。修梓以廣其傳。

余執中。幕浦人。少貧。有孝行。戚屬所給之梨棗。輒知携歸奉親。長值歲饑。日採薪換米。作餠糜以養母。自食祇菜根樹實之屬。一日賣薪過富翁家。

連江縣志

卷二十九

清孝友

四十一

翁與以錢不受。曰家有老母。願得升米歸以進膳足矣。翁欽其孝。留飯不食。欲懷歸以遺母。翁強之食。且遺以橐餼。後母老病。奉湯藥罔懈。夜間聞咳嗽聲。輒起撫胸。以舒其氣。如是者三年。

陳開松。幕浦人。父彩述。溺於水。松亦赴水覓父尸。尸得。松亦獲救。母善病。舉家遷邑中。便醫藥之奉。母病愈而復發。至篤。復奉母返幕浦。母卒。哀毀骨立。每朔望前一日。雖烈風暴雨。必備祭品。由縣赴墓。哭奠以慰母靈。父生前嗜粿。母生前嗜小芋。值諱辰日。必以此二味供祭。蓋事死如事生云。游春樹。萬石鋪人。職員。道光二十四年舉人。黃為清等呈報孝友。題准坊在西郊。

梁起萬。長沙人。素業儒。屢試不售。充邑佾生。道光間。父以訟事株連。吏索之急。萬時年尚穉。詣縣自請代父繫獄。逾年。邑宰蔣鏞按視各囚。察萬有枉。令具白其實。且試以書法。以萬字蹟非村俗所能。知必以儒儒。為豪猾所中傷也。為上監司白其冤。復旌以匾。曰孝行可風。

楊鍾瀏字光瑛仙屏人邑廩生先世富於貲至鍾瀏已中落弟光琳業縫紉財物到手輒盡數至鍾瀏學塾鍾瀏留同食寢歸贈貲送數里外猶諄諄屬戒無激切容人幾不知其爲兄送弟也弟雖故態猶存而鍾瀏友愛弗少衰鍾瀏少慧六七歲卽善屬對有父執至其家出對云家有千倉富瀏應聲云詩因一字貧父執問何解瀏指壁間所題文賦句富於千言貧於一字以證衆愕然九歲詠骨凍詩有清泉白石是吾家之句吐屬寒瘦識者知其福薄後果以廩餼終

程祥元浦口人母老失明侍奉無怠光緒間學憲王錫蕃旌以匾

附

宋

陳逢丙安德里人割肝和藥以愈母病邑侯宋日隆嘗作詩美之

明

吳寅字時敬以臂肉愈母病弱冠餼於庠迨當貢時某生陪貢貧甚寅言

連江縣志

卷二十九

宋明清孝友 四十二

於督學竟讓之後乃以明經授太平府訓導教人必先行誼士悅服之

清

黃興錦弟興繡青塘人親病篤兄割肝而弟繼之病隨以痊順治十七年按察使周師忠督學副使宋祖發知府吳六一旌以匾曰雙孝格天

程兆炳浦口人母病篤奔禱父墓以磁碗作笈三跌無破缺爰割肝少許負痛袖歸時昏迷失路忽電光閃閃如有導之行者遂調和以進母得此頓覺神爽少頃炳就寢其兄於臥所見血跡詰得其情翌早母謂其兄曰昨炳所進羹旨甚可再得否其兄語之故母觸心痛竟不起炳創未愈加以哀毀亦相繼亡族人旣憐其孝又憫其窮而無嗣乃爲之立主而祔於祖祠

孟起馬鼻人母病肝痛哀號之聲徹曉人言舖人肝則愈孝子計不自剗安從得肝然肝進而病仍弗愈則我爲徒死亦且不孝乃卜於父墓用瓦盃百空擲而卧之盃完則吉凡百擲皆完起歸閉戶以刀剗脅出肝如掌

血亦弗濡。以巨鍼縫其創。熟肝而進之。母愈。於是十年疾乃再發。起具盥。將復如墓。爲嫂所覺。止之不可。嫂入面其姑曰。姑向病。起乃剗腹出肝。以進。今聞號。殆不堪。將復剗之矣。母駭且呻曰。起所爲如此。老身乃弗一聞。然七十之年。不能以須臾之活易吾子也。一慟而絕。嫂奔告起。起躍起。創亦遂裂以死。縣官聞其事。旌以匾於社。

陳光麟。青塘人。乾隆四年父卒。母黃氏守節。以病失明。麟勤事罔間。及病篤。籲天減算。剗臂肉以逾之。而誓亦明。乾隆十年。邑侯馬彭年匾旌之。周必捷。字大章。學前人。邑庠生。乾隆九年時方十三歲。以臂肉愈母病。事聞。邑侯馬彭年賚物贈詩。并爲詳請撫憲。匾旌之。

林梓芳。杉塘人。割肝以愈母病。邑侯夏公匾旌之。時乾隆十三年。

游龍魁。萬石舖人。邑庠生。方十歲時。以臂肉愈母病。後母以天年終。祭葬盡禮。乾隆十二年。邑侯潘公賜以花幣諸物。秦許兩學博。復給匾旌之。鄭成梧。馬鼻人。乾隆十五年時方十四歲。剗肝以愈母病。及親歿。祭葬循

連江縣志

卷二十九

清孝友

四十三

禮。展墓掃奠。有如家常。遇親諱辰。及已生日。輒流涕廢食。年六十九。

鄭位書。仁山人。家貧。竭力奉親。乾欄二十九年。以臂肉愈父病。母因父病。亦積憂成疾。書復剗肝以療。當時呈報公牒。有云。雖割股剗肝。固爲過舉。而救父救母。實出誠心。邑侯金穀堂旌以匾。

陳文荃。字希五。學前舖人。邑庠生。年十五時。以臂肉愈父病。迨父歿。哀慟呼號。淚盡繼之以血。目竟瞽。後二十年。忽復視如初。晚卜築定安。逍遙山水。以樂餘年。邑侯任兆松旌其閭。并爲立傳。卒年八十三。

胡仁和。儒陽人。年十四。以臂肉愈母病。乾隆五十九年。邑侯楊公旌以匾。劉茂枝。山下人。割肝療父疾。

鄭良信。定田人。林喬松。東岱人。俱割肝以療母疾。

陳堯性。保安里人。始以臂肉愈母病。後母復病。繼之以肝。

吳世盛。上滌人。九歲時。以臂肉愈母病。

孫昌沂。字登雲。白勝人。以臂肉愈兄病。及兄歿。撫姓騰鯉。成立遊庠。四十

年未分異

陳雲蔚丹洋人。廩生嘉欽季子也。始以臂肉愈寡母病。後復發。割肝以愈之。時方童年。衆異之。

胡帝簡儒陽人。以臂肉愈兄病。

魏作樽蛤沙人。事繼母能孝。母病。樽侍湯藥。數載罔效。乃割臂肉治之。尋愈。時年方十六歲。及歿。殯喪如禮。有談及父母生前事者。輒悲愴不已。邑令李萃匾旌之。

林天滋東岱人。割股割肝以愈父病。

林堯元弟堯成東岱人。同時以臂肉愈母病。姪婦枝山妻以臂肉愈孀姑。黃氏病。姪枝寶以臂肉愈母病。

莊維貴塔頭人。以臂肉愈祖母病。

林洪模字明楷道澳人。賦性溫厚。寡母病。夫婦爭割臂肉療之。子亦感激。割臂肉以佐焉。母病因以愈。且得以壽終。夫婦亦臻耆耄。

連江縣志

卷二十九

清孝友

四十四

陳經選馬鼻人。母稀年病篤。割臂肉以愈之。壽延八十四歲。選亦八十二。陳純馬鼻人。賦性和藹。父病。歷寒暑。湯藥必躬。親罔懈。及劇。割臂肉以愈之。邑令曾旌其閭。

陳孟嘗馬鼻人。力田養親。值夏穡而父病劇。日侍牀蓐。舍穡事而弗顧也。且割臂肉以愈之。及歿。哀慟。泪盡。繼之以血。

林大鉦馬鼻人。母患手癱。大潰。自肘及指。鉦拊肌舐血。扶持數月。始痊。母年八十五。病篤。愈之以臂肉。壽延九十五。鉦亦年登大耄。

吳尙猷輞裡人。祖州佐錫泉病。割臂肉以療之。

林熙渭字在如。長汀人。繼母黃氏無出。而性暴。偶觸其怒。卽鞭朴頻加。熙渭每跪香服罪。母怒始釋。病瘋痺。三載臥牀。熙渭滌溺躬親。復割臂肉以進。母感悟。遂成慈母。三子朝均字維孝。號衡山。國學生。寡母胡氏病危。愈以臂肉。至分爨日。母命抽腴田三畝。以彰孝。孫鴻蔚字紹豐。佾生。母劉氏早寡。諸兄又不祿。母因此成癆瘵疾。迨病篤。蔚割臂肉愈之。未幾舊病復

作竟違養鴻蔚哀慟過度三守嘔血卒年二十八長曾孫敦泉字葆泰寡母龔氏病亦愈以臂肉

陳慶琛字卿懋例貢生州牧肇波孫生平無疾言遠色接物以和而尤敦禮讓當弱冠時曾以臂肉愈母病

林毓焯字仙樵崇禮鋪人邑廩生曾以臂肉療母病時科舉未廢工制藝得歲貢吳通源師傳為一時翹楚詩古近體亦清蒼不俗

邱太生小埕人楊季幹字濟江透堡人翁秉忠佃牛龍西鋪人俞富焯東嶽鋪人均以臂肉愈父病

陳恩深陳學品陳端鏗陳錫源俱馬鼻人邱九玉邱元燦俱積石人陳光全山堂人黃河清字允夏邑增生透堡人吳傳煥輞裡人均以臂肉療母病

黃克讓郭婆人以臂肉療祖母病

鄉行附

連江縣志

卷二十九 附隋元明鄉行清孝友四十五

隋

林曉字仲高號東齋北關外某村人也嘉慶志縣治北野地勢高燥民田四

萬畝每旱播而不穫曉慨然曰吾聞人力補天誠得上游地瀦水為湖以

時蓄洩卽亢旱當不為災因以己田在北野者若干頃鑿為湖不足又交

易他田以成之計得三千八百畝瀦水以資灌漑七里民田自是有秋鄉

人世食其德有司上其事祀之於鄉賢

元

于悠東山人至正十九年四方饑饉餓殍相望悠罄廩儲作粥以賑待食者日衆不可給則出金鬻於人以繼之所全活無數悠以是傾其家

明

趙用邑諸生從董應舉遊講學授徒嘗捐貲修文廟祭器當事旌之又置義田以贍寒畯造南陽閘以備瀦洩歲饑出廩粟煮粥活餓者鄉人德之李堯卿先為定遠人其曾祖忠洪武初以從戎有功補北京義勇衛中所

千戶予世券永樂間調定海所守禦遂爲連江人時有寇百餘盤踞海岸淫掠爲患忠於除夕率本部軍由間道出其不意盡殲之沿海獲安堯卿篤學爲諸生有詩名性俠烈嘉靖末倭躡連界堯卿捐家貲募壯士與戰俘其渠十餘人獻之軍門撫按交旃謝弗受列其事於朝上以慕義觀化褒之詩集詳藝文志

陳樸字君則號戴東父素好客樸先意承志延致之母歿後伴父寢無間一夕家素封以好賑濟漸落族人欲拓祠地以三十金鬻其園樸笑曰吾卽貧不能助祠而受園直乎嘉靖末倭躡海上樸散財結死士期殺賊賊踞東嶽廟瞰城中樸發一矢中之賊毀廟而去又逐倭於福清牛田獲其悍馬馳歸倭駭追之不及

清
王治觀字行省邑庠生家初饒而性好施與順治十三年海寇陷岱堡盡屠居民積骸相摺挂時治觀產已中落慨然出貲營造義塚凡十餘所分

連江縣志

卷二十九

附明清鄉行孝友

四十六

瘞之詳惠政一夜聞叩門聲出視無有歎曰是必有不盡得所者吾之過也

罄鬻餘產搜巖谷間盡爲之窰而藏焉不數年捉衿露肘見者爲之嗟憫

治觀處之恬然也通志入孝義

陳尙賓字碩衡生而秀偉早喪父依其嫡兄恭從勸勉逾冠遊庠既受室遂聽分異隨其所授未嘗計腴瘠生平不臧否人亦不與人較曲直而好行其德往往有負券不責償者其寬厚類如此所居近市四鄰不誠而俱燼者屢矣賓宅無高墉自衛廼巋然獨存人以爲積厚之報云

章廷烈字品揚爲人不輕顰笑方領矩步出入黨塾絃誦間先後遊其門者數百人多發名成業邑侯漆以壯訪於學博聘主紫陽書院講席行誼益著雖衙胥市僧聞品揚先生名亦敬憚之

王洪任字志亨家素封而性儉約衣冠樸鄙然勇於從義邑有公旬興作洪任無役不從親串以緩急告慮無不應下至鄉毗村婦或以已事入城過洪任門無不得醉飽者乾隆三年邑侯戚敬言以敦行不怠旌其門既

卒踵門吊者如市

徐芳枝字克淳白沙人家中產年二十八喪偶義不再娶謂其子曰吾方
成童連喪父母免喪而婚今有子三爲嗣爲養其亦可矣且吾以早孤故
每遇諱日晚晨雖在百里外輒不避風雨歸而致祭爾母亦竭誠盡慎品
味苾芬或者先靈歆而無吐萬一再娶非人滋貽先人戚也生平與人交
際不矜纖巧雖負販流隸無失歡者晚籍於成均死之日鄉里稱善人
游春蘭增貢生父逢金援例州同遺命捐租五千觔以爲鄉闈卷資春蘭
於嘉慶十年承父志輸之族有不能舉婚娶喪葬者助之十七年歲歉減
價出糶凡糶七萬餘觔穀價遂平道光元年又饑命子爲瀚設廠平糶殷
戶效之貧民賴焉六年又饑命次子爲翥復減價平糶二十一年弟春臺
又捐租五千餘觔以爲鄉試錄遺卷資紳士勒石記之

錄通志
孝義